



**Republika e Kosovës**  
**Republika Kosovo - Republic of Kosovo**  
***Kuvendi - Skupština - Assembly***

---

**Legjislatura VIII**

***Sesioni pranveror***

**Komisioni për të drejtat, interesat e komuniteteve dhe kthim**

**Mbledhja nr. 04**

**Prishtinë, më 29.6.2021, në ora 10:00**

**Ndërtesa e Kuvendit, Salla N-303**

**PROCESVERBAL**

**Në mbledhje morën pjesë:** Verica Ćeranić, kryetarja e Komisionit; Hydajet Hyseni dhe Bahrim Šabani, zëvendës kryetarë. Anëtarë të tjerë: Arjeta Fejza, Ivan Todosijević, Miljana Nikolić, Zoran Mojsilović, Jasmina Dedić, Miloš Perović, Enis Kervan, Adem Hodža, Fadil Gashi dhe Fridon Lala.

Munguan : Drita Millaku, Elmi Reçica, Behxhet Pacolli dhe Bekim Arifi.

Pjesëmarrës të tjerë: Granit Blaca KDI, Festim Bytuq, GP AAK, dhe Celal Iliaz, Drejtorja për Media dhe Marrëdhënie me Publikun.

Personeli i përkrahjes së komisionit: Natasa Prica-Tisma.

Mbledhjen e kryesoj **Verica Ćeranić**, kryetarja e Komisionit.

**Rendi i ditës:**

- 1. Miratimi i rendit të ditës;**
- 2. Miratimi i procesverbaleve nga mbledhja e mbajtur më 25. maj dhe 11. qershor 2021;**
- 3. Shqyrtimi i planit të mbikëqyrjes së procesit të integritetit 2020-2021 dhe përfshirja e të gjeturave në planin e punës së Komisionit;**
- 4. Të ndryshme.**

**1. Miratimi i rendit të ditës**

**Kryetarja**, konstatoi që Komisioni njëzëri e miratoj rendin e ditës pa ndryshime.

## **2. Miratimi i procesverbaleve nga mbledhja e mbajtur më 25. maj dhe 11. qershor 2021**

Kryetarja konstatoi se të njëjtit janë miratuar pa vërejtje dhe i hapi diskutimet për pikën e tretë të rendit të ditës.

## **3. Shqyrtimi i planit të mbikëqyrjes së procesit të integrimit 2020-2021 dhe përfshirja e të gjeturave në planin e punës së Komisionit**

**Kryetarja, Verica Čeranić** theksoi se nga dokumentet gjegjësisht nga Plani i mbikëqyrjes i procesit të integrimit 2020-2021 i ka pranuar të gjithë anëtarët e Komisionit dhe se të gjithë janë të njoftuar me përmbajtjen e dokumentit, me pjesët që kanë të bëjnë me Komisionin për të Drejtat, Interesat e Komuniteteve dhe Kthim.

Neni 77 i Rregullores së Punës së Kuvendit parasheh që Kuvendi çdo vit të miratoj Planin e Veprimit për Integrimet Evropiane. Përveç kësaj, kërkohet që Kuvendi të thirr seancën plenare në çdo tre muaj dhe të diskutohet për zbatimin e planit.

Në këtë drejtim, ky dokument është një hap tjetër që do të sigurojë mbikëqyrjen e ekzekutivit në zbatimin e përparësive kryesore që dalin nga procesi i integrimit në BE. Administrata e Kuvendit, në bashkëpunim me Sekretarin e Përgjithshëm, analizuan raportin dhe prezantuan gjetjet e tij në përputhje me mandatin e secilit komision parlamentar.

Në përputhje me proceset e reformës, ne presim zbatimin e plotë të të gjitha standardeve evropiane në lidhje me mbrojtjen e komuniteteve pakicë, si dhe ushtrimin e të drejtave të tyre individuale dhe kolektive.

Ky dokument identifikoi 121 rekomandime në të gjitha fushat, dhe 14 komisione parlamentare do të jenë përgjegjëse për monitorimin e këtyre rekomandimeve, kështu që komisioneve për të drejtat, interesat e komuniteteve dhe kthimin u janë dhënë dy rekomandime që do të monitorohen intensivisht dhe do t'i paraqiten komisionit tonë.

Në takim, Kryesia pranoi rezultatet e analizës administrative dhe miratoi dokumentin e dhënë. Mbikëqyrja e pushtetit ekzekutiv në përmbushjen e gjetjeve nga raporti do të kryhet nga komisionet parlamentare, dhe komisionet do të zhvillojnë diskutime të rregullta mbi gjetjet dhe raportet me institucionet që i zbatojnë ato. Administrata do të përgatisë raporte tremujore për t'u diskutuar gjatë seancave plenare të Kuvendit, në përputhje me Nenin 77 të Rregullores së punës. Rekomandimet kryesore të Raportit dhënë Komisionit për të Drejtat dhe Interesat e Komuniteteve dhe Kthim janë:

1. Miratimi i Strategjisë për Kthim dhe Komunitete;
2. Sigurimi i zbatimit të duhur të Strategjisë për përfshirjen e komunitetit Rom dhe Ashkali në shoqërinë kosovare 2017-2021.

Komisioni për të Drejtat dhe Interesat e Komuniteteve do të integrojë këto rekomandime të raportit në planin e tij vjetor të punës për vitin 2021. Ne duhet të votojmë sot dhe të miratojmë këtë dokument, kështu që unë i ftoj anëtarët e komisionit të japin komentet dhe sugjerimet e tyre nëse ata kanë të tilla.

**Zëvendës kryetari, Hydajet Hyseni:** Plani për monitorimin e procesit të integrimit 2020-2021 është një dokument i rëndësishëm që synon të përcjellë, d.m.th. monitorimin e zbatimit të rekomandimeve nga ekzekutivi. Në veçanti, secili komision parlamentar ka një rol mbikëqyrës në lidhje me gjetjet e raporteve nga institucionet që supozohet t'i zbatojnë ato, të cilat rezultojnë nga procesi i integrimit në BE.

Në atë kontekst, Administrata e Kuvendit analizoi Raportin e Progresit të Komisionit Evropian mbi Procesin e Integrimit Evropian për Kosovën dhe prezantoi gjetjet dhe rekomandimet e tij në përputhje me mandatin e secilit komision individualisht, dhe Kryesia miratoi këto gjetje administrative më 9 qershor 2021 në mbledhjen e vet.

Në këtë rast, Komisioni për të Drejtat, Interesat e Komuniteteve dhe Kthim, ka një rol të rëndësishëm për të luajtur në monitorimin e progresit dhe sfidave të institucioneve të tij në zbatimin e rekomandimeve kryesore të Raportit të Procesit të Integrimit 2020-2021.

Rekomandimet kryesore të Raportit dhënë Komisionit për të Drejtat dhe Interesat e Komuniteteve dhe Kthim janë Miratimi i Strategjisë për Kthim dhe Komunitete dhe Sigurimi i Zbatimit të duhur të Strategjisë për Përfshirjen e Komuniteteve Romë dhe Ashkali në shoqërinë kosovare 2017-2021.

Kur analizova Planin e Mbikëqyrjes, vura re disa anomali për sa i përket temave gjegjësisht kapituj që kanë të bëjnë me rekomandimet kryesore për të 14 komisionet parlamentare. Konkretisht, për sa i përket komisionit tonë, të gjithë e dimë që komisioni për të drejtat dhe interesat e komuniteteve është një komision i përhershëm dhe se brenda fushës së tij të punës dhe përgjegjësi ai shqyrton të gjitha çështjet që lidhen me të drejtat dhe interesat e komuniteteve.

Sidoqoftë, në këtë rast, ne jemi të kufizuar sepse nuk mbulojmë shumë fusha që duhet të kemi në raport me komisionet e tjera. Prandaj, temat dhe çështjet që ndjekin komunitetet në planin e monitorimit duhet të zgjerohen dhe ne duhet të kemi mundësinë të veprojmë së bashku me komisionet e tjera. Duhet bërë më shumë për të promovuar dhe siguruar zbatimin e plotë të ligjeve dhe politikave për të drejtat e njeriut dhe të pakicave.

Për shkak të këtyre mangësive, unë kam një vërejtje teknike ndaj administratës së Kuvendit që bëri këtë plan monitorimi. Sidoqoftë, ne duhet ta miratojmë planin në përputhje me procedurat e parashikuara, me një propozim dhe mundësinë e shtrirjes së tij dhe pjesën që lidhet me komisionin për të drejtat dhe interesat e komuniteteve.

**Enis Kervan:** Duke u bazuar në Planin e Monitorimit për Procesin e Integrimit 2020-2021, Qeveria e Republikës së Kosovës ka hartuar dhe prezantuar Programin e saj, i cili u debatua në seancën plenare. Ky program mbulon, pasqyron orientimet e përgjithshme të qeverisë si në drejtim të agjendës së integrimit evropian dhe politikës së jashtme.

Programi është i strukturuar dhe paraqet përparësitë e menaxhimit dhe planet sektoriale të ndara në fusha të politikave dhe sektorë të politikave publike. Për secilën ministri, janë identifikuar objektivat strategjike që janë identifikuar gjatë zhvillimit të Planeve të tyre Strategjike dhe Operative. Gjithashtu, u prezantua struktura e programit dhe përgjegjësi të ministrive dhe Zyrës së Kryeministrit për secilin qëllim strategjik, si dhe Programi Legjislativ për 2021.

Kapitulli 2.6 i Programit Qeveritar parashikon Promovimin dhe Mbrojtjen e të Drejtave të Komunitetit, Përmirësimin e Politikave të Komunitetit, Përfshirjen Sociale dhe Stabilizimin e Përgjithshëm të Komuniteteve në Kosovë dhe Kthimin e Personave të Zhvendosur dhe Zgjidhje të Qëndrueshme.

Përfshirja sociale dhe stabilizimi i përgjithshëm i komuniteteve është një iniciativë që do të ndërmerret në të gjitha fushat për të përmirësuar zhvillimin ekonomik përmes projektit "Programi KE për Stabilizimin e Komuniteteve IV" për të gjeneruar të ardhura dhe mundësi punësimi midis komuniteteve pakicë në të gjitha rajonet dhe përfshirjen sociale dhe në përgjithësi stabilizimi i komuniteteve. Ky program është veçanërisht pozitiv për sa i përket komuniteteve. Sigurisht, ne do të punojmë me Qeverinë për të zbatuar këto përparësi të lidhura me komunitetin dhe për të punuar drejt këtij qëllimi.

Meqenëse nuk kishte sugjerime të tjera nga anëtarët e komisionit, komisioni mori këtë:

### ***Përfundim***

*Miratohet plani për Monitorimin e Procesit të Integritimit Evropian 2020-2021, me rekomandime për përfshirje në Planin e Punës të Komisionit për 2021.*

Mbledhja përfundoi në ora 10:45.

Hartuar nga:

Njësia mbështetëse e Komisionit

**Kryetarja e Komisionit,**

---

**Verica Ćeranić**